



UKA 2016/17.1

27. september 2016

Agathe Fontain

Uunga siunnersuut: Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. xx. xx. xxx 2016-imeersoq (siullermik Ivittuut Kommunerisimassaannit nunap immikkoortuanit sinniisussamik qinersisarnerup allanngortinnera).

(Naalakkersuisut Siulittaasuat)

Inatsisissatut siunnersuutip pingaarnersaatut taaneqarpoq Ivittuut Kommuniusimasumi nunap immikkoortuanut sinniisussatut qinersisoqartarnera unitsinneqarnissaa.

Tamanna soorunami apeqquserneqarsinnaanngilaq.

Aaqqiissutaasut annikitsut akueraagut.

Nuannaarutigarpullu DK-miit qinersissinnaasut qinersivinni nalorninaannerusumik qinersiartorfeqalersinnaanerit aamma ilaammat. Paasinarmat DK-mi ilinniartuutigit ilaanni paatsuungassutigisarsimagaat sumut saaffiginninnissartik.

Naatsorsuutigilluinnarparput, piffissaatillugu qinersisinnatitaasut allattorsimaffiannut (valgliste) DK-mi ikkusimanersut ilisimatinneqarumaartut, taamatullu qanoq iliorlutik qinersinissaminnut, ilitsersorneqarlutik.

Apeqqutigissavarput Nunatsinni qinersisinnasut ilaqarmata sivisuumik kilisaatini inuttaallutik avataaniittartunik, taakku avataaniillutik qinersisinnaanissaat qanoq qulakkeerneqarpa?

Taammatut naatsumik oqaaseqarluta ataatsimiitsitaliamut susassaqartumut aappasaaniinginnermini suliassanngortipparput.